

02-50-1



BOSNA I HERCEGOVINA
VIJEĆE MINISTARA
Generalno tajništvo

Broj: 05-50-1-1719/10
Sarajevo, 6.7.2010. godine

07-07-2010

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLIJENO: 07-07-2010			
Organizaciona jedinica	Klasifikaciona oznaka	Redni broj	Broj priloga
02-50-1-16-46/10			

PARLAMENTARNA SKUPŠTINA BiH

- Dom naroda-

SARAJEVO

PREDMET: Odgovor na izaslaničko pitanje – dostavlja se

Vijeće ministara Bosne i Hercegovine, na 127. sjednici održanoj 6.7.2010. godine, utvrdilo je Odgovor na izaslaničko pitanje koje je postavio gosp. Božo Ljubić, izaslanik u Domu naroda Parlamentarne skupštine Bosne i Hercegovine.

U pravitku dostavljamo Odgovor uz molbu da isti uručite izaslaniku.

S poštovanjem,



GENERALNI TAJNIK
Zvonimir Kutleša



**BOSNA I HERCEGOVINA
VIJEĆE MINISTARA**

Broj: 05-50-1-1719/10
Sarajevo, 6.7.2010. godine

Božo Ljubić, izaslanik u Domu naroda Parlamentarne skupštine Bosne i Hercegovine na 46. Sjednici Doma naroda održanoj 28.maja 2010. godine, postavio je sljedeće izaslaničko pitanje:

Da li je formirana, i ako nije u kojoj je fazi formiranja, Platna agencija pri Ministarstvu vanjske trgovine i ekonomskih odnosa BiH?

Na postavljeno pitanje, Vijeće ministara Bosne i Hercegovine je na sjednici ~~12.~~ održanoj, 6. 7. 2010. godine, utvrdilo sljedeći

ODGOVOR

U skladu sa Sporazumom o stabilizaciji i pridruživanju čl.95 Bosna i Hercegovina (BiH) je preuzela set obaveza koje se tiču prilagođavanja pravne regulative sa EU regulativom. To se odnosi i na uspostavljanje sistema plaćanja u poljoprivredi BiH. U skladu s tim Ministarstvo spoljne trgovine i ekonomskih odnosa (MSTEOBiH), preduzima sve potrebne mjere kako bi se uspostavio najpogodniji model platnog sistema za BiH.

MSTEOBiH je formiralo dvije radne grupe jedna za uspostavljanje struktura u skladu sa zahtjevima EU. Članovi pomenutih grupa su predstavnici imenovani od strane relevantnih institucija (Ministarsva spoljne trgovine i ekonomskih odnosa BiH, Ministarstva finansija i terzora Bosne i Hercegovine, Direkcije za evropske integracije, Ministarstva poljoprivrede, šumarstva i vodoprivrede Republike Srpske, Ministarstva poljoprivrede, vodoprivrede i šumarstva Federacije Bosne i Hercegovine, Odjeljenja za poljoprivredu, šumarstvo i vodoprivredu Brčko Distrikta BiH, Ministarstvo finansija i trezora Federacije Bosne i Hercegovine, Ministarstva finansija i trezora Republike Srpske, Direkcija za finansije Brčko Distrikta) i aktivno rade na iznalaženju modela sistema plaćanja u poljoprivredi BiH.

Članovi radnih grupa u svom dosadašnjem radu razgovarali su o dva principa mogućih i primjenjivih sistema plaćanja u poljoprivrede a niti jedan princip nema punu saglasnost za upućivanje u dalju procedure.

Naime, sa jedne strane predstavnici iz Republike Srpske smatraju da je potrebno organizovati sistem plaćanja tako da entiteti imaju zasebne platne agencije što je u skladu sa Ustavom i zakonima BiH dok sa druge strane predstavnici iz Federacije BiH su mišljenja da sve funkcije treba da budu centralizovane i na državnom nivou što je već viđen scenario po drugim pitanjima. MSTEOBiH ulaže maksimalne napore da uzimajući u obzir sve gore navedeno dođe

do za sve strane prihvatljivog prijedloga, ali činjenica je da nakon velikog broja do sada održanih sastanaka još uvijek nisu usaglašeni stavovi po ovom pitanju.

Pored ovoga, bitno je napomenuti da je Savjet ministara na 91. Sjednici održanoj 17.06.2009, donio Odluku o uspostavljanju Kancelarije za harmonizaciju i koordinaciju sistema plaćanja u poljoprivredi ishrani i ruralnom razvoju BiH. Ovom Odlukom su definisane osnovne funkcije u sistemu plaćanja a predviđeno je da kancelarija za harmonizaciju bude prelazna institucionalna struktura do donošenja konačne odluke o uspostavljanju modela platnog sistema za isplate podrški iz fondova za poljoprivredu, ishranu i ruralni razvoj.

Ključni cilj osnivanja ove kancelarije jeste osiguranje konzistentnosti, transparentnosti i koordinacije sistema plaćanja u Ministarstvu spoljne trgovine i ekonomskih odnosa, zatim jačanje, postepena harmonizacija, te ujedinjenje procedura za sve platne sisteme u poljoprivredi u skladu sa zahtjevima IPA EU, te sa drugim relevantnim uredbama EU, međunarodnim sporazumima i drugim praksama i dokumentima.